

Slavko Jovičić

Pitanje postavljeno Upravi za indirektno oporezivanje

„Dakle, dobivao sam informacije da je oko 1.800 automobila oduzeto u drugostepenom postupku gdje je konačno završen postupak, pa su oni izlazili s informacijama u javnost da će to ići u neku reciklažu, pa sam ja ovdje u Parlamentu predlagao da se formira nezavisna komisija od eksperata van Parlamenta, dakle od stručnjaka tehničke, ne znam, saobraćajne i ove druge struke da izvrše procjenu šta se stvarno treba reciklirati, šta se može pokloniti humanitarnim organizacijama, šta treba ići na licitaciju. Sve s jednim ciljem, jer je potpuno jasno, a dobio sam i takvu informaciju da se izdvaja nekoliko stotina hiljada maraka za plaćanje skladišnog prostora tih roba. Dakle, ja sada proširujem pitanje na sve, ne na ove prehrambene artikle koji će propasti ako im rok važenja istekne jer ne može se čekati, nego na sve. Dakle, akcizne robe, automobile, tehničku robu, ma sve ono što je završeno u drugostepenom postupku, a što je sad u evidenciji Uprave za indirektno oporezivanje. Dakle, ja ne vidim izlaz iz ovoga. Jedino da li je moguće, ta inicijativa, uvaženi predsjedavajući Vijeća ministara, da Vi razgovarate s Upravom za indirektno oporezivanje, da ih pozovete pa kažete šta oni od svih mogućih roba imaju na lageru, bez obzira da li su akcizne, kvarljive, poljoprivredne, tehničke, bilo koje, gdje se one nalaze i šta je stvarno za otpad, šta je za prodaju, da li se može ostvariti ikakav prihod od tih roba koje stoje po raznim skladištima? Ako ništa drugo, da se prekine s plaćanjem stotina hiljada maraka skladišnog prostora za ono što stoji godinama i što sasvim svjesno i Uprava za indirektno oporezivanje, odugovlačeći godinama, ne rješavajući taj problem, uništava tu robu. Neka su možda, evo kod automobila, bila i u voznom stanju, ali s obzirom da sedam godina stoje, kome su ona više važna? I dajte da se jednom s Upravom za indirektno oporezivanje koja je institucija iznad svih institucija, pa čak i iznad ovog parlamenta, razriješi ovo pitanje. Zato tražim direktan odgovor od njih. Tražim da nam dostave informaciju šta je sa svom robom koja postoji i o svim izdvajanjima za taj skladišni prostor, koliko su do sada platili.“